

- « ینه عشق » -

کأس شقایق پر شراب ، دیده نر کسی نیم خواب : زمین تو زین پر
انوار ، روی هوایی کلبه عطار : باد صبا بی مسج دم ، لاله بی مبارک
قدم : ایدن عشقدر .
دو جهان باغنه زیب و فر ، عروسان چنه زرو زیور و یرن عشقدر .
بابلاری یانق یانق سو یلدن . طولابری حزین حزین ایلکدن .
قوشاره اواز ، مطربلره ساز ایتدیرن عشقدر .
کوکالری پیدا ، کل یوزلورلی هویدا : ایدوب چنده ریحانلری
اچدیران ، زلف دلبری ریحان کی صاحبدیران : عالمی بر لاله ویاسمن .
انسانلری سمین بدن : ایدن عشقدر .
محبوبلره آن ، مرده دلاره جان ! جمالاره زینت ، کوزلاره عزت :
و یرن عشقدر

ادمی معمور ، عالمی پر نور : دل خانہ - نی پاک ، جسم دلی خاک ،
بی شرابی سرخوش ، بی قدحی بی ہوش ، ایدن عشق قدر
.....

- ۳۹ -

- « ینہ عشق » -

عشق ، قال ایلہ اولماز ، اکا حال کرک .
عشق ، روایتہ اولماز ، عاشقہ آیت کرک .
عشق اصوانی ، ارباب اصول بیلور ، ارباب فصول اکلاماز .
عشق سرنہ ، ارباب کشف عارفدر ، احباب عقول واقف دکلدر .
عشق سوزلری ، قوش دیلیدر ، انی اکلامغہ - ایمان کرک .
عشق بر محبوبدرکہ : سوزیده خوبدر .

- عشق بر مطلوب بدرکه : نه یوزدن باقیسهك مرغوب اولور .
- عشق قصه-ی بر شکر درکه : تکرار ایتدیجه دایکش اولور .
- عشق بر دایر درکه : ایایی پالاس اولورسه یاقیشر .
- عشق بر عروس درکه : هر نه کیدرسهك یراشیر .
- عشق بر شراب درکه : هر میخانه ده انک بویی واردر .
- عشق بر حدیث درکه : هر صومعه ده انک کفت و کوبی واردر .
- عشق بر کونشدرکه : هر ذره ده عکس ونایی واردر .
- عشق بر آتشدرکه : هر یرده شعله ونایی واردر .
- عشق سوزلری ، بر نغمه عاشاقد درکه : هر سازده چالیر .
- محبت خبزلری ، شول غزلاردرکه : دل مجموعهلرینه یازیلیر .